

KOMMUNIMUT PILERSAARUMMUT TAPILIUSSAQ 4E2-1

Nuuk, Qinngorput / Niaqornannguaq

Juuni 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarusiorneq ingerlaavartumik suliaavvoq taamaattumillu kommunalbestyrelsip Pilersaarusiornermut inatsit naapertorlugu (Pilersaarusiorneq aamma nunaminertanik atuineq pillugit Inatsisartut inatsisaat nr. 17, 17. Novembari 2010-meersoq) pisariaqartitsineq naapertorlugu kommunimut pilersaarut nutartissallugu pisussaatitaavoq. Taamatut allannguutinik attuumassuteqartunik pilersaarummulluunniit ilassutissanik ingerlaavartumik saqqummiussuinikkut nutarterisoqartassaaq.

Taamaalluni Kommunalbestyrelse sukkulluunniit nunaminertat illullu atorneqarnissaannut nunaminertat pillugit sukumiinerusunik aalajangersagartalimmik kommunimut pilersaarummut tapiliussaliorsinnaavoq. Tamatuma saniatigut Kommunalbestyrelse sukumiisunik aalajangersagartalimmik kommunimut pilersaarummut tapiliussaliortussaatitaavoq:

- Nunap tamakkerlugu pilersaarusiornerup aamma Kommunimut pilersaarutip piviusunngortinnejarnissaanut qulakkeerinninnissaq pisariaqartinnejalerangat.
- Annertunerusunik sanaartornissanut atortulersuinissanulluunniit nunaminertanik atugassiisoqannginnerani.
- Illunik anginerusunik pingaaruteqarnerusunilluunniit isaterilinnginnerni.

Kommunimut pilersaarummut tapiliussaq marlunnik immikkoortortaqarpoq, **nassuaatitaa** aamma **aalajangersagartagaan**.

- **Nassuaatitaani** pilersaarummi siunertat inatsisitigullu sunniutit aamma immikkoortup ilaanut pilersaarusiorernut allanut qanoq inissisimasoqarnera allaaserineqarput.
- **Aalajangersagartagaani** pilersaarutip piviusunngortinnejarnissaanut tunngatillugu aalajangersakkat malinneqartussat allassimapput. Aalajangersakkat aalajangersakkanut pingarernut sukumiisunnullu agguataagaapput. Aalajangersakkat tamarmik inatsisitigut pituttuisuupput, taamaattorli immikkut ittumik pisoqartillugu aalajangersakkanit sukumiisunit immikkut ittumik akuersissuteqartoqarsinnaavoq. Tamatuma saniatigut aalajangersagartaa nunap assinganik pituttuisumik imaqarpoq.

Tamanut saqqummiussineq

Kommunimut pilersaarummut tapiliussaq 13.06.2018-miit atuutilersussatut tamanut nalunaarutigineqarpoq

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl atuarsinnaavat aamma kommunimi innuttaasunik sullissivimmut imaluunniit Sanarfinermut Avatangiisinnullu ingerlatsivimmut, Kuussuaq 2, 3900 Nuuk, telefon 36 74 31, saaffiginninnikkut pissarsiarisinnaavat.

IMARISAI

| | | |
|----------|--|----|
| 1 | NASSUIAATFEJL! BOGMÆRKE ER IKKE DEFINERET. | |
| 1.1 | PILERSAARUTEQARFIUSOQ | 4 |
| 1.2 | SIUNERTAT TUNNGAVIILLU | 4 |
| 1.3 | PISSUTSIT PIOREERSUT | 5 |
| 1.4 | PILERSAARUTIP PINGAARNERIT | 6 |
| 1.5 | PILERSAARUMMUT ALLAMUT SANILLIULLUGU INISSISIMANERA | 10 |
| 1.5.1 | <i>Nuna tamakkerlugu pilersaarusioneq</i> | 10 |
| 1.5.2 | <i>Kommunimut pilersaarut</i> | 10 |
| 1.5.3 | <i>Qanganitsat</i> | 10 |
| 1.5.4 | <i>Avatangiisit</i> | 10 |
| 1.5.5 | <i>Teknikkikkut pilersuutit</i> | 11 |
| 1.5.6 | <i>Nunaminertat piumasaqaatitaqarfiusut</i> | 12 |
| 1.5.7 | <i>Pileraarutinut tapiliussat</i> | 12 |
| 1.5.8 | <i>Tamanut saqqummiussineq</i> | 12 |
| 1.6 | PILERSAARUTIP INATSISITIGUT SUNNIUTAI | 13 |
| 1.6.1 | <i>Inatsisitigut sunniutaagallartut</i> | 12 |
| 1.6.2 | <i>Inatsisitigut inaarutaasumik sunniutit</i> | 12 |
| 2 | AALAJANGERSAKKAT | 15 |
| 2.1 | AALAJANGERSAKKAT PINGAARNERIT | 15 |
| 2.2 | AALAJANGERSAKKAT SUKUMIISUT | 17 |
| 3 | AKUERSISSUTEQARNERMI ATSIORNERIT | 21 |
| 4 | ILANNGUSSAT | |



*Figur 1:
Immikkoortup ilaata 4E1-p
mittarfiup avannamut
kangia'tungaaniut
Niaqornannguaumut
inissinneqarfia*

1 NASSUIAAT

1.1 PILERSAARUTEQARFIUSOQ

Sumiiffik Parnaarussivissamut attuumassuteqarluni mittarfiup avannamut kangia'tungaaniippoq. Tapiliussaq immikkoortup ilaanik 4E2-mik pilersitsinissamut taamaalillunilu immikkoortup ilaareersup 4E1-ip (figur 1) killeqarfii nutarterneqarnissaanut tunngassuteqarpoq.

1.2 SIUNERTAT TUNNGAVIILLU

Kommunimut pilersaarummut tapiliussamut tunngaviusoq tassaavoq antenneqarfimmik telekkut attaveqaqatigiittarnerni sullissinerni pitsanngorsaataassinaasumik pilersitsinissamut periarfissiinissaq.

Kommunimut pilersaarummut tapiliussami tunngavigisat tassaapput:

- Immikkoortup ilaata 4E1-ip killeqarfiersornera allanngortissallugu taamaalillugulu immikkoortup ilaa 4E2 qulakkeerlugu.
- 4E2-p teknikkikkut atortulersuutinut attaveqaqatigiinnnernullu atorneqarnissaa aalajangersassallugu.
- Sanaartorfissat tikkkuminassusia nunallu qanoq innera eqqarsaatigalugit anteneqarfissatut atugassiissutigissallugu.
- Atortulersuutaajumaartussat nunamut naleqqussarneqarnissaat qulakkiissallugu.
- Qaartartuusivimmut aqqusinikkut sanaatorfinnut aqqusineqarnissaa qulakkiissallugu.
- Sukisaarsaatigalugu aqqusineeraasut ukioq naallugu atorneqarnissaat qulakkiissallugu.

*Figur 2: Sumiiffimmut nunap
assinga takussutissaq*



1.3 PISSUTSIT PIOREERSUT

Immikkoortup ilaa 4E2 Kuanninnguit tungaanut aqqummi Niaqornannguamiippoq (figur 2 takuuk). Nuna manikannersuuvoq, Nuup Kangerluata tungaanut avannamut sivingalluni aamma kujammut, kimmum kangimullu qaqqanik killeqarfefeqarluni. Sumiiffik Quassussuaq kaajallallugu Kuanninnguit tungaanut aqqutip aallarfianiippoq.

Nuna sivingalaartoq annertunerusumik qaqqartaavoq ujarassuartalik. Narsaamaninnguaq ujarattaraasaartoq sikattumillu issortalik nuunnguamik siorartalimmik ilisarnartumik isoqarpoq (figur 3 takuuk).

Immikkoortup ilaata nutaap kujataa 'tungaaniippoq Parnaarussivissaq sananeqartoq. Immikkoortup ilaa Parnaarussiviup avannamut isumannaallisaaffiusumik nunaminertaq killeqarfefeqarfigaa. Immikkoortup ilaa nutaaq kangimut kimmullu avannamut – kujammut kuuttunik kuunnik marlunnik ungalusaavoq, kuuillu taakku Quassussuup ilaaniik imertaajaasuupput.

Pileraaruteqarfiusoq pinngortitatut attorneqanngitsutut ippoq. Aqisserajuup, mittarfiup aamma Parnaarussiviup akornanni aqqusineqarpoq qaninnerpaamik aamma Parnaarussiviup sissallu akornanni sulisunut utaqqiisaasumik aqqusineqarpoq.

*Figur 3:
Parnaarussivissap
avannaa 'tungaaniit isigalugu
sumiiffimmut isikkivik.
Sermitsiaq
ungataa 'tungaaniippoq
saa 'tungaaniipporlu
nuunnguaq siorartalik,
tassaniissappullu
sanaartorfissat nutaat.*


Niaqornannguami sukisaarsartarfittut naleqartitat sumiiffikkut aqqutinut assigiinnngitsunut atapput, tamakkulu illoqarfiup aamma asiartarfiup Kuanninnguit Nuullu timaanut attaveqaataapput. Immikkoortup ilaatigut angallattut pisuinnaat aqqutaatigoortarput, qamuteralaat aqqutaatigoortarput aamma ukiukkut sisoraatinik oqilaniutinut aqqutikkoortarput, soorlu tamakku ilangussaq 1-imi takutinneqartut.



1.4 PILERSAARUMMI PINGAARNERIT

Kommunimut pilersaarummut tapiliussaliornikkut immikkoortup ilaa pioereersoq 4E1 12 ha.-iniit 6 ha.-inut millineqassaaq aamma immikkoortup ilaa nutaaq 4E2 6 ha.-isut annertutigisoq pilersinnejqassaaq. Pilersaarummi immikkoortup ilaannut avatangiiserisanut killeqarfitt allanngortinneqanngillat.

Figur 4:
Immikkoortup ilaa 4E2,
siornatigut immikkoortup
ilarisimasaata 4E1-ip affaraa.
Immikkoortoq 4E1 pillugu
aalajangersakkat
allanngortinneqanngillat.
Immikkoortup ilaannut
avatangiiserisanut killeqarfitt
allat allanngortinneqanngillat.




Atuineq

Immikkoortup ilaa 4E2 telekkut attaveqaqtigittarnernut teknikkikkut atortulersuutinut atorneqarsinnaavoq, tassami atortut tamakkulu atorneqernerat immikkoortup ilaata 4E1-imi qaartartuuusiviup eqqaa pillugu nunaminertamut isumannaallisakkamut malittarisassanik malinnittussaammata.

Atuineq atortullu annertussusiat

Immikkoortup ilaani 4E2-imi sanaartorfissat marluk atugassiissutigineqarput. Sanaartorfissat figur 5-imi aamma ilangussaq 2-mi takutinneqartutut nuunngoreersup eqqaatigut qaartartuuusiviup tungaanut sulisut aqqusinissaatut pilersaarusrorneqartup avannaat tungaanut inissinneqassapput. Sulisut aqquserngat immikkoortoq 4B4 aqqutigalugu aqqusinermut pingarnermut attavilerneqassaaq.

Figur 5: Sanaartorfissat inissisimaffiat





Figur 6: Atortulersuutit antennetallit / Norgep pigisaani Svalbardimi parabolit

Sanaartorfissat qaqcasunnanut marlunnut nuunnguup siorartuup kangia'tungaani kitaa'tungaanilu killeqarfinnut malunnaatitut inissinneqassapput. Nuunnguaq sanaartorfigineqassanngilaq.

Antennit / parabolit nunami toqqaannartumik inissisimatillugit suliarineqassapput. Qaqcasunnani marluusuni tamani antennit 20 – 25-t angullugit amerlassusillit atorneqarsinnaapput (figur 6 takuuk).

Antennit portunerpaaffimmikkut nunaareersumit 12 meterinit portunerussanngillat. Atortunut atasunik illuaqqat sullissivit ataasiinnarmik quleriinngorlugit sananeqassapput (ilanngussaq 4 takuuk).

Immikkoortup ilaani 4E1-imni qaartiterutissaasivissatut pilersaarutaasup eqqaani nunaminertami isumannaallisaaffiusumi Qaartiterutissat pillugit Namminersornerullutik Oqartussat nalunaarutaat nr. 16, 16. Juuli 2007-imeersoq malinnejassaaq. Nunaminertami isumannaallisaaffiusumi antenneqarfinnik illunillu antenneqarfiup ingerlannejarnissaanut pisariaqartinneqartunik sanaartortoqarsinnaavoq. Isumannaallisaaneq eqqarsaatigalugu sulisunut teknikerinut illut sullissiviusut sapinngisamik nunaminertap isumannaallisaaffiusup avataanut inissinneqassapput.


Antenneqarfiup illullu isikkui

Immikkoortup ilaani nuna avannamut sivingalluni annertunerusumik qaarsortaqartiterpoq, siorartalimmik issortaqartiterpoq maggusimanngitsunillu ujarattaqartiterluni.

Sumiiffiup ilusaa malillugu sanaartortoqarlunilu atortulersuisoqassaaq. Antennit sanileriaarlugit inissinneqassapput, taamaalilluni antenneqarfik nunap pissutsimigut assigiinngissaartumik isikkoqarneranut illua 'tungiliisutullusooq siammarsimasunik napasuliatut ittunik atortulersukkatut isikkoqarniassammat.



*Figur 7:
Parabolantennit ammalortutut
ataatsimut
katerifeqartukkuutaartunik
isikkoqartut tukimut 6,4
meterisut takitigipput aamma
5 meterit sinnilaarlugit
portutigipput. Antennit
sisammik galvaniserikkamik
ungalutut isikkulinngorlugit
toqqavilerlugit
ivertinneqartarpuit. Antennit
portunerpaaffimmikkut
nunamiit 8 meterit missaannik
portussuseqarput.*



Sanaartorfissaq qarmakkamik 1,5 meterisut portutigisumik teknikkut atortulersuutit nunaminertallu sukisaarsartfiusut ikaarsaariarnerannik malunnartitsusuusumik qarmarneqassaaq (figur 8 takuu). Qarmagaq ujaqqanit najukkaneersunit suliarineqassaaq. Illut sullissiviusut ungaluukkerneqarsinnaapput. Nunaminertat allat ungaluukkerneqassanngillat.

Illut nutaat antennit sammiviisut imaluunniit aqquserngup sammiviatiut sammilerlugit sananeqassapput. Illut atortulersuutaat, qalipaataallu eqqarsaatigalugit aamma piumasaqaatitaqarput, allagartarsuit il.il. immikkoortup aappaani: Aalajangersakkat.



*Aqqusineq sinerlugu
qarmagaq najukkami ujaqqanit
sanaajuvoq*



*Teknikerit taakkulu sulliviisa silataat
saviminernik ungaluukkatut ittunik
qaqortumillu lakikkanik
ivertitsiffingineqarsimasut*



*Sisak galvaniserigaq antennit
toqqaviannut atorneqartoq*

Teknikerit illuisa taakkulu suliffiisa isaariaannut sumiissusersiutinik qullilersuisoqarsinnaavoq. Qulliit pukkitsumut aamma ammut qinngortussanngorlugit inngianangitsumullu ivertinneqassapput. Antenneparabolit toqqaannanngikkaluamik qaavi ilua'tungaalluunniit qullilersorneqarsinnaapput imaluunniit tamakku qaavi sakkukitsunnguamik qaamaneqartutut isikkoqartillugit qinngorfigalugit qullilersorneqarsinnaapput.

Aqquserngit biilinullu inissiisarfiit

Aqqusineq kitaa'tungaaneersoq immikkoortup ilaatigut 4E4-kkoortoq Parnaarussivimmullu atasoq qulakkeerneqassaaq. 4B3-mit aqqusineq sinerlugu pilersaaruteqarfikkut qaartiterutissaasiviup tungaanut ikinnerpaamik tunuarsimaarfissamik ataatsimik pilersitsisoqassaaq.

Biilinut inissiisarfiit antenneqarfiup eqqannguani sanaartorfiup iluani atorneqassapput. Aqqusinermik teknikkikkut misissuinerit aqqusineq titartarneqarnermisut pitsaatigingitsoq paasinarsippat aqquserngup sammivia sanaartorfissallu allanngortinneqarsinnaapput.

Sukisaarsartarfittut pisuinnaat aqqutaannut aqqutinullu akornuteqanngitsumik nunaminertaqarnissaa qulakkeerneqassaaq, ilangussaq 2-mi tunngaviusutut takutinneqartutut.

Nunaminertat sanaartorfigineqanngitsut sanaatorfigeqqusaanngitsullu

Pileraarummi naasut, nunap ilusaatut ilerseqqinnejarnissaanut aamma inaalitsinissamut periarfissat il.il. pillugit aalajangersakkat aalajangersarneqarput. Nunaminertat sanaartornernut, atortulerosnernut aqqusinernullu atorneqanngitsut pinngortitat atorneqarsimanngitsutut issapput.

Nunaminertanik immiinerni, sanaartorfigissaanerni il.il. sialuup erngup apummit/sermimit aattup akornuteqanngitsumik kuutsinneqarnissaat qulakkeerneqassaaq.

1.5 PILERSAARUMMUT ALLAMUT SANILLIULLUGU INISSISIMANERA

1.5.1 Nuna tamakkerlugu pilersaarusrornerneq

Pilersaarummut tapiliussaq nuna tamakkerlugu pilersaarusrornermut naapertuupput.

1.5.2 Kommunimut pilersaarut

Kommunimut pilersaarummut tapiliussaq Kommunimut Pilersaarut "Sermersooq 2028"-mut ilaatinneqarpoq, tassanilu ilutsini pingaarnerni pilersaaruteqarfiusoq inuussutissarsiutinut siunertanut assigiinngitsunik atuiffiusunut, teknikkimut siunertanut qaartiterutissaavittut ittumut nunaminertanullu sanaatorfigeqquaanngitsunut atugassiissutigineqarpoq.

Immikkoortup ilaani 4E2-mi killeqarfigitassatut kissaatigineqartut aamma kommunimut pilersaarummut naapertuupput, uffa atorneqarnissaanik siunnersuutigineqartoq tassaasoq killeqarfingisaata annertusineqarnissaa.

1.5.3 Qanganitsat

Kommuneqarfik Sermersooq immikkoortup ilaani qanganisaqarneranik ilisimasaqanngilaq.

Immikkoortup ilaani nunamik suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-imut ilaatinneqarpoq.

Nunamik suliaqarnermi qanganitsanik naammattuuisoqarpat suliat qanganitsat attorneqarnerat apeqqutaatillugu unitsinneqassapput. Tamatuma kingorna sanaartortitsisoq Nunatta Katersugaasivianut Toqqortaasivianullu ingerlaannaq saaffiginnissaaq.

1.5.4 Avatangiisit

Assaanermi immikkoortup ilaa mingutsinneqarsimasoq paasineqarpat Kommuneqarfik Sermersumi Ingerlatsinermut Avatangiisinullu immikkoortortaq attaveqarfingineqassaaq.

Eqakkat avatangiisinut navianaatillit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat tamakkununngalu inatsisit atuuttut naapertorlugit suujunnaarsinneqassapput.

VVM – Avatangiisinut Sunniutaasinnaasunik Nalilersuinerit
Sulinuitip malitsigisaanik avatangiisinut kingunerisassatut takussutissaasinnaasunik paassisutissanik pisariaqartinneqartunik pissarsinissamut pisariaqartinneqartunillu misissuinissamut sanaartortitsisoq akisussaavoq.

1.5.5 Teknikikkut pilersuutit

Illut nutaat pisortat innaallagissamut, imermut, kiassarnermullu aqqutaataannut aamma kuuffissuataannut attavilerneqassapput. Innaallagissamik, imermik kissamillu pilersuutit kuuffissuillu nunap iluatigoortinneqassapput. Immikkoortup ilaani teknikkukut atortulersuutinik soorlu immikkoortup ilaanut pilersuutinik transformatoriisivinnik inissiisoqarsinnaavoq. Transformatoorisivinnik inissiinissaq Nukissiorfinnik isumasuinikkut pissaaq.

Kiassarneq

Immikkoortup ilaa Nukissiorfinni malittarisassat naapertorlugit kiassaariaatsimik aalajangersaasoqassaaq.

Kuuffissuit

Illut pisortat kuuffissuaataannut, imikoq pillugu iliuusissatut pilersaarut malilugu, attavilerneqassapput.

Nunap qaavata ernga, tassunga ilanngullugu illut qaavinit imeq, kuuffissuakkoortinneqassanngilaq, kisiannili immikkoortup ilaani illunut allanut, aqqusineeqqanut, aqqusinernut nunaminertanullu sanaatorfigineqanngitsunut akornutaanngitsumik kussiakkut kuutsinnejassalluni.

Eqqakkat

immikkoortup ilaa Kommuneqarfik Sermersuummi eqqagassat pillugit aaqqiinernut sukkulluunniit atuuttunut ilaatinneqarpoq.

Aputaajaanerit aputinillu assartuinerit aqquserngit titartneqarneranni titartnerit aalajangersakkat iluini niffarsualiorqarsinnaavoq. Aputinik kangerluup imartaanut niffarsualiorfissatulluunniit toqqakkanut apummik assartuisoqassaaq.

Sanaartorfigissaanernut aningaasartuutit

Immikkoortup ilaani sanaartorfigissaanernut aningaasartuutit tamakkunanngalu peqataasunut agguataarneqarnerat immikkut ittumik akilersuinissamut ileqqoreqqusami allassimassapput.

1.5.6 Nunaminertat piumasaqaatitaqarfiusut

Inatsisartut 2015-imi ukiaanerani ataatsimiinneranni Tasiilami aamma Ittoqqortoormiini nutaanik mittarfittaartoqarnissaanut aamma Nuummi mittarfiup 2.200 meterinut tallineqarnissaa, taamaalillutik timmisartut nunanit tamalaaneersut isumagineqarsinnaaniassammata, pillugit sulinissaq pillugu tunngaviusumik aalajangiisoqarpoq.

Kommunimut pilersaarummi matumani alliliinissaq tamanna, sapinngisamik, eqqarsaatigineqarpoq. Immikkoortup ilaa mittarfiup 2.200 meterinut tallineqarsinnaaneranut attuumassuteqartumik qummut portunerpaaffissap killingata iluaniippoq.

Immikkoortup ilaa 4E2 mittarfimmumt mikkiartornermi nunaminertat akornuteqanngsut nalaanniippoq aammalu qummut portussutsinut ilaatinneqarluni, tamatumani illut atortullu allat portussuseq 127,5 sippusanngilaat aamma aqquserngit portussuseq 121,5 sinnerlugu sananeqassanngillat.

Immikkoortup ilaa 4E2 aamma immikkoortup ilaani 4E1-imi, ilanngussaq 2-mi takutinneqartutut, nunaminertamut isumannaallisakkamut qaartiterutissaavimmut ilaatinneqarpoq. Nunaminertap isumannaallisaaffiusup killeqarfiata iluani sanaartugassat Qaartiterutissat pillugit Namminersornerullutik Oqartussat nalunaarutaat nr. 16, 16. juuli 2007-imeersumi aalajangersarneqarput.

1.5.7 Pilersaarummut tapiliussat

Immikkoortup ilaa ulluikkut kommunimut pilersaarummut tapiliussamut "4B4-1 aamma 4E1-1-mut, Nuummi Qaartiterutissaasivimmut pisortallu inaalitsiviutaannut 2017-imut" ilaatinneqarpoq. Immikkoortup ilaata 4E1-ip killeqarfilersorneqarnera allanngortinneqarpoq, kisianni immikkoortup ilaanik 4E1-mik atuineq kommunimut pilersaarummut tapiliussami 4E1-1-imi suli aalajangersarneqarpoq.

1.5.8 Tamanut saqqummiussineq

Kommunimut pilersaarummut tapiliussaq piffissami 2018-imi februaarip ulluisa 14-anniit 2018-mi marsip ulluisa 28-ata tungaanut tamanut tusarniaassutigineqarpoq.

1.6 PILERSAARUTIP INATSISITIGUT SUNNIUTAI

1.6.1 Inatsisitigut sunniutaagallartut

Kommunimut pilersaarummut tapiliussatut siunnersuut tamanut saqqummiunneqarpat taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut atorneqarsinnaassanngillat imaluunniit sanaartorfigineqarsinnaassanngillat kommunimut pilersaarummut tapiliussap inaarutaasup aalajangersagartaanik unioqqutitsumik (Pilersaarusrornermut inatsit § 31).

Akerliliissuteqarsinnaanermut piffissaritip naanerani akerliliissuteqartoqarsimanngippat kommunalbestyrelsimit nunaminertat kommunimut pilersaarummut tapiliussami ilaatinneqartut atorneqarsinnaanerat kommunalbestyrelsimit akuerineqarsinnaavoq, tamanna kommunimut pilersaarummut tapiliussamut naapertuuttumik unioqqutitsinngitsumillu pippat (Pilersaarusrornermut inatsimmi § 31, imm. 2)

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atutissapput – taamaattorli siunnersuutip saqqummiunneqarneraniit naatsorsorlugu sivisunerpaamik ukiumi ataatsimi (Pilersaarusrornermut inatsimmi § 31, imm. 3).

1.6.2 Inatsisitigut inaarutaasumik sunniutit

Kommunalbestyrelse kommunimut pilersaarutip piviusunngortinneqarnissaanut suliniuteqassaaq, tassunga ilanngullugu nunaminertanik atugassiisarnikkut (Pilersaarusrornermut inatsimmi § 29).

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit. (Pilersaarusrornermut inatsimmi § 30).

Immikkulli pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq. (Pilersaarusrornermut inatsimmi § 50).

Manna tikillugu nunaminertanik, illunik atortulersuutinilu inatsisinik Unioqqutitsinani atuinerit ingerlaannarsinnaapput, akerlianilli assersuutigalugu illumik nutaamik allatut atuinerit nutaamilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummut ilaatinneqartut pilersinneqassasut.

2 AALAJANGERSAKKAT

Matumuuna Kommunalbestyrelsip Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq (Pilersaarsiortarnermut inatsit) naapertorlugin aalajangersakkat tullinnguuttut aalajangersarpai.

Aalajangersakkat aalajangersakkanut pingaarnernut aalajangersakkanullu sukumiisunut agguataagaapput.

Aalajangersakkat tamarmik inatsisitigut pituttuisuupput, taamaattorli immikkut ittumik pisoqartillugu aalajangersakkanit sukumiisunit immikkut ittumik akuersissuteqartoqarsinnaavoq. Aalajangersakkat pingaernerit pilersaarutip imarisaanut tunngaviupput taamaattumillu aalajangersakkanit taakkunannga immikkut ittunik akuersissutinik nalunaarutiginnitqarsinnaanngilaq.

2.1 IMMIKKOORTUP ILAA 4E2

| AALAJANGERSAKKAT PINGAARNERIT NUTAAT | |
|--|--|
| Immikkoortup ilaata killeqarfilsorneqarnera | |
|  | |
| <p>Immikkoortup ila 4E2 sanaatorfigineqanngilaq aamma 6,0 ha-it missaannik annertussuseqartoq matuma qulaani takutinneqartutut killeqarfefqarpoq.</p> | |
| <p>1. Siunertat</p> <p>Nalinginnaasumik atuineq: E – Teknikkikkut atortulersuutit attaveqaatinullu atortut</p> <p>Imm. ittumik atuineq: E2 – Teknikkikkut atortulersuutit</p> | |
| <p>2. Atuineq</p> <p>Immikkoortup ilaani ilut najugaqarfittut atorneqassangillat.</p> <p>Nunaminertat antenneqarfimmut, aqqisinernut il.il. atugassiissutigineqanngitsut pinngortitat atorneqarsimanngitsutut issapput.</p> <p>Nunaminertat sanaortorfigineqanngitsut saligaatsuutinnejnqassapput. Nunaminertamik atuineq avatangiisutut akornutaapput piumasaqaatigineqartumilluunniit allaanerusumik atorneqarpal nunaminertap ungaluugalersorneqarnissaa Kommunalbestyrelsip piumasaqaatigisinnavaa.</p> | |

3. Illut

Ilanngussami 2-imik takutinneqartutut sanaartorfissatut aalajangersaaffigineqarsimasuni taamaallaat illiortoqarsinnaallunilu atortulersuusersortoqarsinnaavoq.

Illut ataatsimik quleriinngorlugit sananeqarsinnaapput. Illut nutaat immikkoortup ilaata nunataa eqqarsaatigalugu ilusilersorneqassapput.

Telekkut attaveqaatinut antenneqarfiup ingerlanneqarnissaanut pisariaqartinneqartunik illiortoqarsinnaallunilu atortulersuusersortoqarsinnaavoq. Aamma antenneqarfiup ingerlanneqarnissaa nakkutigineqarnissaalu eqqarsaatigalugit teknikerinut sullissivittullu illiortoqarsinnaavoq.

4. Initussuseq

Kommunimut pilersaarummut tapiliussami matumani sanaartorfissat tamarmik atorneqareerpata immikkoortup ilaa sanaartoqqinnisanut inissaarussimassaaq.

5. Eriagisariaqartut

Illut atortulersuutillu nuna avatangiiserisaq ataqqillugu eqqarsarluarlunilu inissinneqassapput.

6. Nunaminertat piumasaqaatitallit

Mittarfiup eqqaani nunaminertatut manissutut akornuteqannngitsutut ilaatigut qummut sammisunik manissunillu ilaatigullu mittarfiup isua ilallugu mikkiartorfittalittut tingiartorfittalittullu ittunik pilimmik nunaminertamik piumasaqaatitaqarfiusumik aalajangersaasoqarpooq. Immikkoortup ilaa mittarfimmut mikkiartorffissamut akornutaanngilaq aamma manissumik nunaminertaqarpooq, tassanilu illut atortulersuutillu qatsissutsimit 127,5-mit qatsinnerusumi aamma aqquserngit qatsissutsimit 121,5-mit qatsinnerusumi sananeqassanngillat.

Immikkoortup ilaani 4E1-imik qaartiterutissanik atortunillu amerlanerpaanik qaartiterutissaasivimmum nunaminertamik isumannaallisaaffiusumik aalajangersaasoqarpooq. Qaartiterutissaasivik qaarsumit aalajangersimasumit tamakkerluni asserneqarsimappat isumannaallisaaneq eqqarsaatigalugu illumut, aqqusinermut il.il. ungasissutsit affaannangortillugit tamakkiisumik asseqqasumiissapput. Qaartiterutissaasiviup eqqaani nunaminertat isumannaallisaaffiusut 1380 meteriusoq aamma 690 meteriusoq aalajangersaaffigineqarpooq. Nunaminertamut ungalusaanngitsumut kikkut tamat suli isersinnaapput. Qaartiterutissaasivimmik nuussinermi nunaminertaq isumannaallisaaffiusoq atorunnaarsinnejassaaq.

7. Aqqusinertigut angallanneq teknikkikkullu pilersuutit

Immikkoortup ilaa immikkoortup ilaa 4B4 aqqutigalugu aqqusineqassaaq.

Aammattaaq ilanngussami x-imik tunngavittut takutinneqartutut immikkoortup ilaatigoortunik nunaminertamik sukisaarsaatigalugu aqqusineeqqanlut aqqutinullu qulakkeerinnitoqassaaq.

Immikkoortup ilaani tassunga pilersuinissamut teknikkikut atortulersuusersortoqarsinnaavoq. Atortulersuutit illut nunaminertallu sanaartorfagineqanngitsut eqqarsaatigalugit inissinneqarlutillu ilusilersorneqassapput.

8. Illoqarfimmik nutarterineq

Immikkut ittunik aalajangersagaqanngilaq

9. Immikkoortukkuutaat

Immikkut ittunik aalajangersagaqanngilaq

2.2 AALAJANGERSAKKAT SUKUMIISUT

1. Illut inissinneqarnerat

Stk. 1: Illut nutaat ilanngussami 2-mi takutinnejartutut sanaatorfissanut I-mut aamma II-mut inissinneqassapput. Illut ilanngussami 3-mi tunngavittut takutinnejartutut nunap qanoq issusia eqqarsaatigalugu ilusilersorneqassapput sammivilersorneqarlutillu.

Stk. 2: Antennit sanileriilarlugit antenneqarfimmi teknikkikku piumasaqaatit eqqarsaatigalugit sananeqassapput.

Stk. 3: Illut nutaat teknikerinut sullissivittullu illut silataat assigiimmik sammivilerlugit sananeqassapput. Illut silataasa sammivii antenneqarfimmi atortulersuutit sammiviisut sammiveqassapput.

Stk. 4: Illut imminnut qanitsillugit pissusissamisoortutullu attuumassuteqartillugit inissinneqassapput.

Stk. 5: Illut illup eqqaamiorisap sanaartorfigisaata killeqarfianut minnerpaamik 5 meterinik ungasissuseqassaaq.

Stk. 6: Silami inaalitsinissat inerteqqutaapput.

Stk. 7: Teknikerit illui illullu sullissiviit 1,8 meterisut portutigisunik ungaluukkersorneqarsinnaapput. Isumannaallisaanerli eqqarsaatigalugu immikkoortup ilaa ungaluukkersorneqassasoq Kommuneqarfik Sermersup piumasaqatigisinnaavaa.

2. Illut annteqarfiallu isikkui

Stk. 1: Illut ataatsimik quleriinngorlugit aamma illut killeqarfiani nunap portunerpaaffianit uutorlugu portunerpaaffimmikkut 8 meterisut portussuseqassapput.

Stk. 2: Illut nutaat silataat saviminernik pladenik qaortumik lakkikanik siaangasunik 35 %-it sinnernagit silaannartalittut isikkoqassapput. Illut silataat saviminertallit qaortuussapput.

Stk. 3: Illut silataat inngianassanngillat.

Stk. 4: Toqqaviit ammasunngorlugit sananeqassapput, taamaalilluni illut ataannut isigisinnaalluni – toqqavittut immikkoortukkuutaatut, betonskivitut saviminernilluunniit ungaluugaasatut ittunngorlugit.

Stk. 5: Illut qaliaasa qaavi qernertumik qalissiaqassapput.

Stk. 6: Illut qaavinut inaalissuisoqassanngilaq.

Stk. 7: Antenneqarfik toqqaviit killeqarfiani nunap portunerpaaffianit uuttortarlugu portunerpaaffimmikkut 10 meteriussapput.

Stk. 8: Antenneqarfik qaortumik sfæriskisut ilusilinnik poorneqassapput.

Stk. 9: Antennit toqqavii sisaassapput galvaniserikkat.

Stk. 10: Illut antenneqarfiallu eqqaani nunaminertat saligaatsuutinnejartillu eqqiluutsuutinnejassapput.

Stk. 11: Immikkoortup ilaata ingerlannejarneranut pisariaqartinnejartunik allagartarsualersortoqarsinnaavooq. Allagartarsuit immikkoortup atuuffia avatangiisaalu eqqarsaatigalugit inissinneqassapput ilusilersorneqarlutillu.

Stk. 12: Aqquserngup sinaa 1,5 meterisut portutigisumik qarmaasoqarsinnaavoq.

3. Aqquserngit aqqusineeqqallu

Stk. 1: Immikkoortup ilaanut aqqusineq ujaraaqqanik asfaltimilluunniit qalliuuserlugu sananeqassaaq.

Stk. 2: Mittarfimmut aqqusinikkut "Siaqqinnikkut", ilanngussaq 2 takuuk, immikkoortup ilaa 4B4 aqqutigalugu, sanaartorfissanut aqqusineqassaaq.

Aqqusineq qamutinit motoorilinnit ataasiinnarnit aqqutigineqarsinnaasunngortinneqassappat, taava immikkoortup ilaani ikinnerpaamik ataatsimik tunuarsimaarfiliorqassaaq.

Stk. 3: Sanaartorfissanit illunut sullissiviusunut aqqusineq ujaraaqqanik asfaltimilluunniit qalliuuserlugu sananeqarsinnaavoq.

Stk. 4: Antennit akornanni sulisut aqquserngat ujaraaqqanik qalliuuserlugu sananeqassaaq.

Stk. 5: Antenninut ataasiakkaanut sulisut aqqutaat aqqusineeqqatut qisummilluunniit aqqusialiatut sananeqassapput.

Stk. 6: Ulluinnarni ingerlatsinernut atugassatut biilinut inissiisarfii sanaartorfissani ataasiakkaani atugassiissutigineqassapput.

Stk. 7: Illut, atortulersuutit assigisaallu aqquserngup qeqqanit 12 meterinut qaninnerusumut inissinneqassanngillat.

Stk. 8: Immikkoortup ilaatigut, ilanngussami 2-mi takutinneqartutut, sukisaarsartarfinnik aqqusineeraqarlunilu aqquteqarnissaa qulakkeerneqassaaq.

4. Nunaminertat sanaartorfigineqanngitsut sunngiffimmilu atortulersuutit

Stk. 1: Nunaminertat, illunut, atortulersuutinut il.il. atorneqanngitsut pinngortitatut attorneqarsimanngitsutut isikkoqassapput.

Stk. 2: Nunaminertanik ilusaattut ilersitsinerit Kommuneqarfik Sermersuumit innersuussutit malillugit pissaaq – aamma § 6, imm. 4 takuuk.

5. Teknikkikkut atortulersuutit

Stk. 1: Illut nutaat pisortat innaallagissamut kiassarnermulu aqqutaataannut kuuffissuaataannullu attavilerneqassapput. Pilersuinermut aqqutit tamarmik nunap iluatiqoortinneqassapput.

Stk. 2: Imikoq sunaluunniit aamma perusuersartarfinnit uffarfinnillu imikoq kuuffissuakkut kuutsinneqassapput. Nunap qaavata ernga kussiakkoortitallu kuuffissuakkut kuutsinneqassanngillat, kisiannili illunut eqqaamiorisanut, aqqusernernut, aqqusineeqqanut nunaminertanullu sanaartorfigineqanngitsunut akornutaanngitsumik kuutsinneqassaaq.

Stk. 3: Immikkoortup ilaanut teknikkikkut atortulersuutit immikkoortup ilaanut atortulersuinernut soorlu tranformatoriisiviit assigisaallu inissinneqarsinnaapput. Imermik innaallagissamullu aqqutit Nukissiorfiit siunersiorlugit inissinneqassapput.

Stk. 4: Pilersuinernut aqqutit sapinngisamik ataqqineqassapput aamma qaavisigut sanaartortoqassanngilaq qalliuusersuisoqaranilu.

Suliffeqarfiup allap ledningiutaanik allanngortiterinerit ledninginik piginnittumut aningaasartuutaassanngilaq aamma tamanna ledninginik piginnittooq siunersiorlugu aamma innersuussutai malittarisassaatalu malillugit pissaaq.

Stk. 5: Illut antenneqarfiullu akornanni pilersuinernut aqqutit nunap qaavatigoortinneqarsinnaapput,

tamakku saviminernik assigisaanilluunniit illersugaappata.

6. Nunaminertat sanaartorfigineqanngitsut

Stk. 1: Nunaminertanik immiinerni, sanaartorfigissaanerni il.il. sialummit aamma apummit aattumit erngup kussiakkut kuuttuarnissaa eqqaamiorisanullu akornutaannginnissaa qulakkeerneqassaaq.

Stk. 2: Immikkoortup ilaani naasooreersut sapinngisamik pigiinnarneqassapput ajornanngippallu inaalissorneqassallutik, taamaalillutik sanaartortoqareerpat ilusaattut ilerseqqinnejarniassammata.

Stk. 3: Immikkoortup ilaa qaartiterinermi assartuinermiluunniit siammarsimasinnaasunik qaartiternerlukoqassanngilaq.

Stk. 4: Nunaminertat sanaartorfigineqanngitsut saligaatsuutinnejarlutillu eqqiluitsuutinnejassapput.

Eriaginninneq

Stk. 1: Pinngortitap nunallu eriagineqarnissaat pillugit § 4 aamma § 6 takukkit.

8. Pinngortitamik illersuinissamik soqutigisat

Stk. 1: Pinngortitap nunallu eriagineqarnissaat pillugit § 4 aamma § 6 takukkit.

9. Nunalerinerinissamik soqutigisat

Immikkut ittunik aalajangersagaqanngilaq.

10. Ataatsimut atortulersuutit

Immikkut ittunik aalajangersagaqanngilaq.

11. Piginittut peqatigiiffiat

Immikkut ittunik aalajangersagaqanngilaq.

12. Avatangiisnik artukkiinissamut killissat

Stk. 1: Immikkoortup ilaani eqqagassalerinissanut eqqaavimmik containeriusumik assigisaanilluunniit inissiinissamut nunaminertamik immikkoortitsisoqassaaq.

13. Illut nukissiuutinik atuinikitsut

Immikkut ittunik aalajangersagaqanngilaq.

14. Atuilernissamut piumasaqaatit

Stk. 1: Matumanit atuilernissamut aalajangersakkani piumasaqaatinilu antenneqafiuq telekkut attaveqaqtigiiatarnerni atortulersuutinik ingerlatsinissanut teknikkikkut akuersissutit tamaasa pissarsiarisimanissaat piumasaqaatigineqarpooq.

Stk. 2: Imatut pisoqartinnagu atortulersuutit illullu atortulersuutaasiviit atorneqalissanngillat:

- Atortulersuutit suliffiuq avatangiisai pillugit malittarisassat atuuttut malippaat
- Inimit perusuersartarfimmit immikkoortumik kuuffissualersortoqarsimavoq aamma pilersuutinut allanut attavilertoqareerpoq.
- Nunaminertami suliassat sinneri naammassineqareerput
- Aqqusineq, pisuttuartut aqqutaat, aqqusineeqqat aqqutillu assiaquserneqareerput.

Ukiup qanoq ilinerani sulinermi suliassat inaarsagassat suliarineqarsinnaanngippata Kommuneqarfik

Sermersooq isumaqatigiissuteqarfigeriarlugu immikkoortut piaarnerpaamik suliarineqassapput.

3 AKUERSISSUTEQARNERMI ATSIORNERIT

Matumuuna Kommunimut pilersaarummut tapiliussaq manna (4E2-1, Niaqornannguaq) Kommuneqarfik Sermersumi Kommunibestyrelsianit akuersissutigineqarpoq ulloq 05.06.2018

Kommuneqarfik Sermersooq, ulloq




Asii Chemnitz Narup
Borgmester

/



Lars Møller-Sørensen
Kommunaldirektøri




KOMMUNEQARFIK SERMERSOOQ
Sanarfinermet Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilangussaq I, Immikkualuttut nutaat
Bilag I, Nye delområder
Juuni 2018 / Juni 2018
Utuut 1:5000 / Mål 1:5000

A4

0 m 50m 100m 150m 200m 250m




KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilangussaq 2, Immikkualuttoq 4E2 sanaartorissallu I aamma II
Bilag 2, Delområder 4E2 samt byggefæl I og II
Februari 2018 / Februar 2018
Utuut 1:5000 / Mål 1:5000

0 m 50m 100m 150m 200m 250m


A4




KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning Anlæg og Miljø
Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilanngussaq 3, Assersusuaq
Bilag 3, Visualisering
Juuni 2018 / Juni 2018
Utuut 1:2500 / Mål 1:2500

A4



Snit A - A



Snit B - B



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilanngussaq 4, sanaartorfiup qeqqatigut takussutissartaa
Bilag 4, Snit gennem byggefelter
Juuni 2018 / Juni 2018
Utuut 1:2000 / Mål 1:2000


A4



KOMMUNEQARFIK SERMERSOOQ
Sanarfimerut Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilanngussaq 5: antenneqarfiup takussutissartaa
Bilag 5: Visualisering af antenneanlæg
Juuni 2018 / Juni 2018



KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilanngussaq 6: antenneqarfiup takussutissartaa
Bilag 6: Visualisering af antenneanlæg
Juuni 2018 / Juni 2018



KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 4E2-I Niaqornannguaq
Kommuneplantillæg 4E2-I Niaqornannguaq

Ilanngussaq 7: antenneqarfiup takussutissartaa
Bilag 7: Visualisering af antenneanlæg
Juuni 2018 / Juni 2018